

Te 'opere-haere-ra'a i te here o te Atua



Nā Allie B., 12 matahiiti,
Kentucky, Fenua Marite

Aita i maoro a'enei 'ua haere atu tō'u 'utuāfare 'e 'o vau nei e fa'aea i Kentucky. 'Ua riri roa vau nō te mea tē vaiihō nei au i muri tō'u mau hoa ato'a 'e te mau fet'i. E mea ta'a 'ē roa Kentucky i te Kentucky tā'u i mātau. Te taime mātāmua tō mātou haerera'a atu i te purera'a, 'ua 'ite au ē 'aita rea ta'ata i reira. I tō'u ra 'itera'a i te huru na'ina'i o tō'u 'āma'a, 'ua fā'aoi a'era vau 'eiaha 'ia mana'o 'ino e rave rā vau i te tahī mea nō te ha'amaita'i i te reira.

I te mahana i muri mai, 'ua haere atu māua 'e tō'u māmā i te fare toa. Hou māua e fa'aru'e ai i te fare, 'ua 'ohi mai au i te tahī mau tāreta nō te 'ōpere haere atu. I tō māua taera'a i te fare toa, 'ua rave au i te hō'ē monamona 'e 'ua haere atu e 'aufau. 'Ua hi'o te ta'ata ho'o i te moni o te monamona, 'e 'ua hōrō'a mai i te reira iā'u. 'Ua fa'aho'i atu vau i te reira. 'Ua huru māere 'oia e 'ua parau mai, « 'ua 'aufau iho nei 'oe i te reira, e madame ».

'Ua parau atu vau, « 'ua 'ite au, tē hōrō'a nei rā vau i te reira 'ei tao'a aroha nā 'oe ». I reira 'ua tu'u atu vau i te hō'ē tāreta 'ōpere haere 'e te monamona. 'Ua 'ata mai 'oia e 'ua ha'amāuruuru mai iā'u. 'Ua hi'o atu 'oia i muri i te tāreta, i reira tō'u pāpa'ira'a, « e tamari'i te ta'ata ato'a na te Atua ». 'Ua haere 'ē atu vau ma te 'oa'oa, ma te 'ite e noa atu 'aita 'oia e tomo mai i roto i te 'Ekālesia, 'ua rave rā vau i te tahī 'ohipa maita'i.

I muri mai i taua mahana ra, 'ua ha'amana'o a'era vau ē 'ua vaiihō vau i te toe'a o te mau tāreta 'ōpere i te vāhi 'aufaura'a ! Te taime 'ua ho'i atu māua i te fare toa, 'ua haere atu vau e ani mai te mea tē vai noa ra ā te mau tāreta. I reira tō'u 'ite-mata-ra'a i te tahī mea, 'e 'ua fa'aea vau i te haere. Tē vai nei i nā vāhi 'aufaura'a e pae te mau tāreta 'o tē parau ra, « e tamari'i te ta'ata ato'a nā te Atua ». 'Ua 'ōpere haere te ta'ata ho'o i te mau tāreta ! 'Ua 'oa'oa roa vau nō te mea 'ua rave au i te reira 'ohipa. ■

